



Mehlodi Ya Thuso

## Story Power - Tlisa matla a pale ka lapeng

Ho bala le ho pheta dipale mmoho le bana bao o phelang le bona ke e nngwe ya dimpho tse matla haholo tseo o ka ba fang tsona. Dipale tseo re di utlwang le ho di bala ha re sa le bana di thusa ho re bopa. Empa ho boetse ho na le melemo e meng e mengata ya ho phetela bana dipale.

### MELEMO E 15 YA DIPALE

1. Ho phetelana dipale ho re thusa ho ba le kamano e matla le bana ba rona. Ho etsa hore ba tsebe hore re nahana hore ba bohlokwa hoo re nang le nako ya ho pheta le ho bala dipale mmoho le bona.
2. Dipale di thusa ho bopa menahano ya bona le boiqapelo ba bona.
3. Dipale di thusa ho bopa puo ya bana le tsela ya ho nahana, haholoholo ha ba di utlwa kapa ba di bala ka dipuo tsa bona tsa lapeng.
4. Dipale di fa bana mehlala ya kamoo batho ba shebanang le diphephetso tseo ba kopanang le tsona bophelong.

### RE PHETELE PALE YA HAO

Dibuka le dipale di bopile jwang bophelo ba hao le maphelo a bana ba hao? Na di o thusitse ho hlalosa maemo a thata ho ngwana hao? Kapa na ho sibolla pale eo o e ratang ho kgothaditse bana ba hao ho bala mme ho ba thusitse ho ntlaufatsa ho bala ha bona sekolong? Re bolelle ho Facebook ([www.facebook.com/nalibaliSA](https://www.facebook.com/nalibaliSA)), kapa Twitter ([www.twitter.com/nalibaliSA](https://www.twitter.com/nalibaliSA)) o sebedisa hashtag #StoryPower, mme re tla hlahisa ho tlatsetso ya ho-balla-boithabiso ya Nal'ibali kapa websaeteng ya rona kamoo dipale di bileng le kgahlamelo kateng bophelong ba hao.



SABC  
EDUCATION



T: +27 (21) 448 6000

E: [info@nalibali.org](mailto:info@nalibali.org)

[www.nalibali.org](http://www.nalibali.org)

[www.nalibali.mobi](http://www.nalibali.mobi)

[nalibaliSA](https://facebook.com/nalibaliSA)

@nalibaliSA

@nalibaliSA



5. Bana ba natefwang ke ho ballwa lapeng, hangata ba ba le tjheseho ya ho bala ka bobona. Ha bana ba ena le tjheseho, ba ithuta ha bonolo ho feta.
6. Ka nako eo bana ba qetang dilemo tse pedi, ba se ba ithutile 75% ya seo ba tleng ho ithuta sona bophelong ba bona bohole. Kahoo, ebang lesea la hao le hlafuna buka ya khateboto kapa ngwana e monyenyan a batla hore o mo phetele pale hangatangata, ha o bala le ho pheta dipale, bana ba hao ba fumana tsebo ya bohlokwa mabapi le puo le dipale tse tleng ho ba tswela molemo ha morao.
7. Ho balla hodimo mmoho le bana ho tsejwa jwalo ka ketsahalo e le nngwe ya bohlokwa ka ho fetisa bakeng sa ho aha tsebo le bokgoni tseo ba tleng ho di hloka bakeng sa ho ithuta ho bala.
8. Metsotso e 15 ya ho balla bana ba hao letsatsi le leng le leng ho ka ba hlahisetsa mantswe a miliyone e le nngwe a ngotsweng ka selemo!
9. Ho pheta dipale le ho bala ho hlahisetsa bana mofuta o ikgethang wa puo e nonneng le e rarahaneng. Ho tebisa tsebo ya bona ya puo le kamoo re e sebedisang ka teng, mme ho ba fa mekgwa e metjha ya ho ikutlwahatsa ka bobona.
10. Dipatliso di bontsha hore ha bana ba bala lapeng pele ba qala sekolo, hangata ba ba le tswelopele sekolong.
11. Bana ba na le bokgoni ba ho tswela pele ho ba babadi malapeng ao ho ona dibuka le ho bala e leng dintho tse hlontjhwang.
12. Bana ba utlwang dipale, ebang dipale tseo ba di phetelwa kapa ba di ballwa, ke bona ba pele ho ipopela dintlha tse sa tshwareheng dithutong tse fapaneng sekolong. Ka mantswe a mang, ho mamela dipale ho etsa hore o be bohlale ho feta!
13. Bana ba balang haholo ho ena le ho shebella thelevishene, ba kgona ho mamela nako e telele ha ba rutwa.
14. Bana ba batswadi le bahlokomedi ba dumelang hore ho bala ke ntho e etsetswang boithabiso, ba tla ba le maikutlo a ahang mabapi le ho bala ho feta bao batswadi ba bona ba nahanang hore ho bala empa feela e le sete ya bokgoni.
15. Ha dipale le ho bala e le ntho tse natefelang bana, ba fetoha babadi. Bohle re pheta dintho tse re natefelang.

